

সারি ধরম সারিল

নায়েকে মঙ্গল চন্দ্র সরেন

সারি ধরম সারিণ

মঙ্গল চন্দ্র সরেন

SARI DHARAM SARILA
By Mangal Chandra Saren

পৌল উছীন—ইং ১৯৭০

দসার উছীন—ইং-২০০৫

অলঃ ইচ্

নায়কে মঙ্গল চন্দ্র সরেন

আতো ধুয়াপাড়াহী

পোঃ—শিলদা

জেলা—মেদিনীপুর।

গনং—৭ (এয়ায়) টাকা সুমুং

ছাপাঃ ইচ্

স্বপন কুমার দাস

লেটার প্রিন্ট

বালী, উত্তর ঘোষ পাড়া, হাওড়া

সারি ধরম

আদিবাসী বয়হা মিশেরাক, নিয়া বিদাল আব হড় হপন তালারে ধরম ইঁদিকাতে মিৎটাং এপের হেডে চ্ হয়োঃ কানা। ভজ্জ দিশমরেন অলঃ গুরু অল উছীন উছনতে ধরম উছান ক ছুটাও আকানা ওনকোদ আবনাঃ সারি ধরম লটম গিডিকাতে নাওয়া নাঃ সারনা ধরম হড় হপনাঃ ধরম মেন তেগটা পাকাড় ক পাশনাওয়েদা। অনাতে স্নানাম দিশমরেন হড় হপন চেঁহগাও লাগিৎ সারি ধরম চেৎ লেকান তাবনা, সারি ধরম রেনাঃ উমুল চেৎ লেকা হড় হপনে উমুল দহ আকাৎ বনা, সারি ধরম রেনাঃ নেমাচার, সারি ধরম রেনাঃ লাগচার চেৎ লেকা আবনাঃ সমাজে কেটেচ দহ আকাদা অনাগে আব বত হড় হপন বুঝাও জং লাগিৎ ইঞঃ অল উছনেদা।

নয়া ধারতি রেন মানমি তালারে মিমিৎ জখাঃ কাই গুনহা বাড়তিঃ আ, মিমিৎ জখাঃ ধরম বাড়তিঃ আ, নয়াগে ধারতি রেনাঃ লাগচার। কাই গুনহা বাড়তিঃ জখাঃ বোগে হড়মা চাঁদো বঁগাক উইহারেয়া, রাঃ হালাং আয়াক, উইহার উইহারতে রাঃ হালাংতে চাঁদো বঁগায়াঃ মনেক কেচেল হচয় তায়া খান চাদো বঁগা সেরমারে বায় তাঁহে থির দাড়েয়াঃ আ। আদ কাই গুনহাক সাহা গিডি লাগিৎ মানমি তালারে জানামঃ আয় বাংখান দেবালোকয় কোল কয়া। খান চাঁদো বঁগা সে দেবালোক মানমি তালারে জানাম কাতে বাড়িচ্ আঃ লাগা গিডিকাতে বোগে ডাহারতে মানমি ক আয়ুর কয়া। চাদো বঁগা সে দেবালোকগে মানমি তালারে জানাম কাতে মানমি হুঁয়াতে চাদো বঁগা অবতার, বাংখান গুরু মেনতে দিসম রেক উছনঃ কানা।

আবনাঃ শাস্তুর জমশিম বিস্তিরে হেনাঃ আ, ঠাকুর ঠাকরান সেরমা রিকিন তাঁহেকানা, আকিন সাঁও অঁডে, অডিগান দেবালোক তাঁহেকানা। দেবালোক তালারে লিটা দ ঠাকুরিচ গোডেতে তাঁহেকানা, লিটায়াঃ কামি দ চাউরিয়া মেলারে ঠাকুর ঠেন দেবালোকয় হহ জাওয়া কয়া, উন ঠাকুর সিংহাসনরয়ে দুডুপ তাকয়া আর দেবালোকদ উনি বেড়হায় তেক দুডুবতে আয়মা বোগে বাড়িচ দুক সুক রেনাঃ কাথাকী বিচার। লিটায়াঃ অনা গোডেৎ কামি বেগর আর মিৎটাং কামি তাঁহেকানা তায়া অনা দ ঠাকুরাঃ পরসাদ দেবালোক অড়াঃ অড়াঃ এ আসেন আকয়া। মিৎছট লিটা দেবালোক ঠাকুর পরসাদ আসেন বাড়া কাতে দে বংশী কুলহি তালাতে রুয়াড় কান তাঁহেকানা, উন জখাঃ দে বংশী কয়াঃ মিৎ অড়াঃরে কলে বালে আটকাও

আকান তাঁহেকানা। উনরে দেবংশী হড় লিটাক এংল এগম কেদেতেক কলে বালে
 আটকাও আকান অড়াঃ তেক হহ ইদি কেদেয়া। লিটা ওনকোয়া। কাথা নেইর
 বায় ঠেলাও গিডি দাড়েয়াদা খান দে বংশী তেক অড়াঃ তে বলুয়েনা, মেনখান
 দুব রেনাঃ দে বংশী ছটকায় লেদেৎ কেৎ খান গিদরা মায় উয়ুঃ এনা। আডি রীশকা
 রেনা কাথা, উনরে লিটা, দে বংশী হড়ে মেতাৎ কয়া মা নয়া মা নাপায়েনা আদ
 ইঞ দ চেদাঃ, আপেগে নিয়া বেড়া রেনাঃ কামি দ টিকাড় তাবনপে। মেনখান
 দে বংশী হড় লিটা বাক অড়াঃ লেদেয়া আদ জম এু বাড়া হচ কাতেক বিদায়
 কেদেয়া। দেবালোক ছুত বাক চলনা, মেনখান লিটা ছুতে চলন কেৎ খান, দেবালোক
 তালারে কাই ওনহা বলয়েনা। জাহের বুটি অনায় বাডায় কেৎ তে লিটাক এগের
 ঐর কেদেয়া, লিটা মনে কাঁহিশতে, সেরমা বাগিকাতে পাতালে ঐরেনা। লিটা
 সেরমায় বাগিয়াৎ খান ঠাকুর ঠেন সেনঃ এ বাগিয়েনা, কাজেগে অকয় দেবালোকক
 হহ জাওরা কয়া, অকয় গেবাং ঠাকুর শাও বিচার আচারা। নংকাতে দেবোলো
 কয়াঃ মজিল মলিনেনা আর মজিল মলিনেনতে খানগে সেরমা হ নিশুনেনা নতে
 ঠাকুর লিটা তলাশ বাড়া কেদেয়া মেনখান উনিয়াঃ অকা হুদিশ হঁ বায় এগমলেৎ
 তে জাহের বুটি হহকাতে কুলি কেদেয়ায়। মেনখান জাহের বুটি হঁ কাথায় অকো
 কেৎ তে ঠাকুরে বেজারেনা, খান ঝতয়াঃ এ বুঝাও তিয়োঃ কেৎ খান জাহের
 বুটি লিটা পাঁজা আগু লাগিৎ এ জারি কেদেয়া।

অড়াঃরে যাহায়ে ছুত লেন খান অনা অড়াঃ রেন ঝত হড় গেবন ছুতুঃ আ,
 অনাতে লিটায় ছুতেন খান জাহের বুটি আর ধরম হকিন ছুত লেনা। অনাতে লিটা
 পাঁজা খাতিরতে শেরমা বাগি হোইলেন তাকিনা। আদ পাতালয়ে ছুত মুকুদ আরুপ
 ফারচা কাতে রিলামালা রূপ পালটাও কাতে শেরমা তেক রুয়াড়েনা। উনরেগে
 লিটায় মারাং বুরুয়েনা জাহের বুটি জাহের এরায়েনা ধরমে মনে কয়েনা।

দেব কয়াঃ কাথামা সেরমারে, আবরেন আগিল হাপড়াম ক নাং রে যুগ
 বেবারজাতি শাঁও দিশম খাতিরতে আয়ো কয়াঃ মীন খাতিরতে অ সমাজ খাতিরতে
 ঘাঁটা মযর ক লাড়হাইলেনা, মিমিৎ ছট লাড়হাইরে হারাও কাতে মিৎ দিশম খন
 আরমিৎটাংশ দিম তেক ঐরলেনা। অনকাতে সমাজরে কাই ওনহা আড়িশেৎ
 তে বললেনা, নতে দাঁড়া দাঁড়াতে সে ঐর বাড়াতে লাগচার নেমাচার হঁক হিড়িঞ
 ইদিলেদা। জমশিম বিস্তিরেগে হেনাঃ আ অনকাতে বাইরী শাঁও লাড়হাই তায় ধন
 দৌলত বিশয় আশয় শাগাড়রে লাদেকাতে টাডি দিশম তেক হেচলেনা। অনা বিদাল
 বঁগাঃ বুরুক হিড়িঞ চাবালেৎ কয়া, লাগচার নেমাচার হঁক হিড়িঞ চাবালেদা,

সমাজরে চেং হুঁ বাঁদনিক বাং তাহেকান তাকয়া, অনাতে হারকেং সশেং রেনাঃ দিশা
 বাং তাহেকান তাকয়া। অনাতে বগাঁ বুরুশেং মনে দীড়লেং তাকয়া, ওনকোক উইহার
 বাড়াকৈদা এনথে মারে হাপড়াম কয়াঃ কাথাম লাই চাল কাথা, কাহনি কুদুম লেকা
 অকয়ে বাড়ায় অকয় দ বাং অকয়ে পাতিয়াওয়াঃ অকয় দবাং। কাজেগে অনাক বিচার
 কাতে আচার কাতে সারি নাশে রেনাঃ নিষ্টা এংলকাতে বগাঁ আক, সমাজ রেনাঃ
 লাগচার ক তলা, নেমাচার আক, বাপলা, ভাডান, হয় রুয়াড় ছাটিয়ার এমান সানাম
 কামি রেনাঃ আরি চালিক তলা। আদ উনরে নিটা শুকরি হবর কাতে খুলি পাউরা
 তেওয়েএং কাতে ডালা চাওলে হেরমেং কাতে গেল শেরমা গেলবার সেরমা দিশম
 ক দাডালেদা নয়াকে ধরম পিছক মেতাঃ কানা। ওনকো ধরম পিছা ওডোক মাড়াং
 নংকাক রড় হচলেদা, জোহার গঁসায় মারাং বুরু জাহের এরা মড়েক আলেলে কিয়েদা
 সভায়েদা খাটাকড়ে বাড়া বাড়ে খান দ আল তহং আল হাঁডাঃ খাটা বাড়ে বাড়া
 বাড়ে বাংখান শিলি বাবের বারছি হাপাতে শহর এসেং গাঁডে এসেং লেপে।

দিশম কঁড়শেং বেগেং আচুর লেখান গেবন এংলা সে এংল আওয়াকাদবন,
 আতো বিচার মাঝি বাবার দুডুপ লেনএনায় বন বিচারা, দিশম রেনাঃ বিচার পারগানা
 দুডুপ কাতেবন বিচারা। ওনকোই সমাজ ক শুসারলাগিৎ, আরি চালিক বাঁদনিক
 লাগিৎ, লাগচার নেমাচার ক শেড়ায় লাগিৎ ধরম লেকা মারাং বুরু জাহের এরা
 মড়েক তেঁগো কাতে বিচার ক এহপু কেদা।

আদ মাড়াং হেঁ চং বাং চং ঠেন ক বিচার কেদা ঝত কাথা রেগে ধাঁদা সেটেরএন
 তাকয়া। ইনা তায়ম খাবড় খাবড় ঠেন ক বিচারকেদা অঁড়ে হুঁ কাথা ক কাবাঃ
 কোবাঃ এন তাকয়া।

অডেখন খোদে মাতকম দারে বুটারে বিচার ক দুডুপ এনা অঁড়ে ঝত কাথা
 খোদেয়েনা, এন কাথাচ ভিনা কাথাক লাইকেদা, ইনা তায়ম লাবাড় আতনাঃ ঠেন
 বিচার ক দুডুপ এনা ঝত ঝত কাথা লাবাড় শাহিএং ক বুঝাওকেদা, অনকাতে
 লেপেচ তেরেল, পেটের বাড়ে দারে বুটারেক বিচার কেদা অকা কাথাই বাক সিগিল
 দাড়েয়াদা, খান মুটাংরে 'সারি সারজম' দারে বুটারেক সেটেরে অনা সারি সারজম
 দারে জড়তে দারে লেনা। অনা সারি সারজম বুটারেক সেটেরংকান জখাঃ হিসিৎ
 হিসিৎ এ হয়কেদা অনাকিন সারি সারজম দারো আতাং দারাম ক লেকা আকশেং
 তাওয়েরং কান তাহে কানা। অনাকিন সারজম দারে বঁগা লেকাকিন তেঁগোয়াকানা।
 অঁড়ে সেটের তরা মনেরে রীশকা চাপেয়েন তাকয়া, অনা রীশকা জালাতে আক
 বাংদ অতরে হেনাঃ কয়া বাং দ সেরমারে দিসাগে বানুঃ তাকয়া। সঁহায় পে সাধনা

আকাং খান আর সাধনা রেপে সিধ্হ আকান খান, সাধনারে সিধ্হঃ মাড়াং চেং
লেকা বুঝাঃ আ অনাপে বুজ কেয়া। বাপে সাধনা আকাং খান, সমাজ রেনাঃ লাগচার
অনমান লাগিৎ ইঞ নৈহ্রাপে কানা। বাপলা অড়াঃ জাঁওয়ায়ে সেটেরঃ কানা, উন
আবনাঃ মনেরে নাওয়া নাওয়া রীসকা চাপেয়াবনতে অকয় পাটিয়া তেবন ধুতিঃ
আ, অকয় বড় তেবন দাহাড়িঃ আ, বার বরবন অকয় অকা লেকায় মনে জংকানা
অনকাগে সাজাঃ কানা।

আবরেন আগিল হাপড়াম কমা চাদোবঁগাক পাঁজায়েকানা, চাঁদো বঁগা হঁ সদরঃ
লাগিৎ হিশিৎ হয় হেচ আকানা, সারি সারজম দারে আকশেং তাওয়ারঃ কানা
আউরিক চিনহাওয়া আউরিক ওরোমা মেনখান চাঁদো বঁগা আর আবরেগ হাপড়াম
কক সোর সোর আকানা। চাঁদো বঁগা রেনাঃ আহলা ওনকোয়াঃ জিউয়ি এগপেল
কানা। উন জখাঃ ওনকোয়াঃ দিশা বানুঃ আ, চাঁদো বঁগা আর আক ক মিৎ আকানা।

এনাং রেঞ লাই আকাদা নাহাঃ আবলেকা ওনকোইঁ ঠাকুর ঠাকরানাঃ কাথা
দেবালো কয়াঃ কাথা মারাং বুরু জাহের এরা মড়েকয়াঃ কাথা, কাহনি লেকা কুদুম
লেকাক বাডায় লেদা, আঁজম লেদা। এন হিলোঃ মেং তেক এগলকেদা, মনে
গেয়ান তেক বুঝাওকেদা।

উন জখাঃ ওমকোয়াঃ মচাখন মিৎটাং মানতার ওডোকলেনা অনা মানতার দ
হয়োঃ কানাঃ লায় লাগ মনমি, আড়াই হাত কানাই, আপ এগম, বেঁজাঃ, ছতুম
এগম, বড়া, নাড়কা এগম চেডে, জাতি কিন ত্রিয় (জাতি কিন কড়া) শাকয়া কিন
গোচো, হঁ, স্বাহা, মারাং বুরু সারিল হঁ স্বাহা জাহের এরা সারিল, হঁ স্বাহা মড়েক
সারিল।

নয়া মানতার রেগে ঠাকুর ঠাকরানাঃ রূপ, দেবালো কয়াঃ নেমাচার, মানিমিয়াঃ
লাগচার ঝত হেনাঃ আ। আদ অঁডেগে ঝত বঁগা শাপাপ্ ক এগমকেদা ঝত হপিগোং
ক বুঝাওকেদা, অঁডে গেক সারিল কেদা। গটাকেদা বাংলাতে সিদ্ধান্তকেদা। বাপলা
সেরেএগরে এগমঃ আ, ওনকো গেহো লাগ লেদা চার লেদা, পোত লেদা পায়ড়ি
লেদা ওনকো গেহো লাগা লোগো বুশাঃ শিম ক লাগা শাব্ লেং কয়া, ওনকো
গেহো অমন পাড়াঃ কাশকম হঁক দন পারম লেদা, ওনকোগে দুবলা ঘাঁস ক গয়ন
হট আকাদা নিত হঁ ইনা গয়ন তেগেবন গয়ন আকান, ওনকো গেহো কুলহি মুচাংরে
নাহেল গাঁড়কে লেকা কাথাক গাঁডে হটয়া কাদা।

নিতঃ অনাক কাথা রেনাঃ ভেদ বাবন ভাগাও দাড়েয়াঃ কানা। আর ভেদ বাবন
ভাঁগাও দাড়েয়াঃ কানতেগে নিয়া যুগরে ধরম ইদিকাতে সমাজ সুশার খাতিরতে আব

আব তালারে এপের হেঁড়েচ হয়োঃ কানা। মেনখান নিয়াদ সারি উতার কাথা। অনা সারিল রেনাঃ কাথা বাহা সেরেঞ রেক সেরেঞ হটকাদা। চেদাঃ বাংমা এনথে যাঁহা তিশঃ থি বন আৎ লেখান যেমন থি পাঁজা এগম দাড়েয়াঃ মা। ওনকো সারি সারজম বুটারেক সারিল লেংতে আবনাঃ ধরম দ সারি ধরম ক ঐত্তুমাৎ তাবনা। উনরেগে অনাকিন সারি সারজম দারেরে পে থি সুতাম ক বাধিলেদা বাংমা আবনাঃ শাস্তররেদ নয়া ধারতি সিরজন রেনাঃ ফেড চট অনা জড় হরতে হোয় আকানা। মেনখান জড় হরতে সিরজন আকান রেঁহ ফেড্ দ মিৎ টাং।

অকয় কারাম বিত্তিক বাড়ায় ওনকোহঁক বাড়ায় কারাম দারেরে ঠাকুর ঠাকরান কিন ওফেল লেনা, আর উনিকিনাঃ লীলা খেলা উদুঃ কেদাকিন কারমু ধারমু। মেনখান আব সানাম হড় হপন হড়াঃরে কারাম বঁগা বানুঃ কয়া, অনাতে অনা রেনাঃ নেমাচার ঝতহড় বাবন বাড়ায়, অনকাগে সানাম হড় হপন অড়াঃরে জমশিম বঁগা বানুঃ কয়া, জমশিম বিত্তিরে সানাম হড় হপন অড়াঃরে জমশিম বঁগা বানুঃ কয়া, জমশিম বিত্তিরে হড় হপনাঃ ইতিহাস হেনাঃ আ অনাদক লীলা লেদা লিটা জাহের বুটি, আর ধরম, ঝত হড় বাবন জমশিমঃ তে অনা রেনাঃ নেমাচার ঝত হড় বাবন বাড়ায়।

মেনখান বাহাদ সানাম খেরোয়াল হপনাঃ অনা দক উছান আকাদা মারাং বুরু জাহের এরা মড়েক, বাহা সেরেঞ রেগে মানমি জিউয়ি রেনা হড় হপনাঃ সমাজ রেনাঃ, হড় হপনাঃ নেমাচার, হড় হপনাঃ লাগচার ঝত হেনাঃ আ। বাহা সেরেঞ রেগে মানমি হড়-মরে জিউয়িগে সারি, গটা পাকাড়রে চাঁদো বঁগাগো সারি, মানমি জিউয়ি রেনাঃ রূপ, চাঁদো বঁগায়াঃ রূপ ঝত রেনাঃ ছুদিশ হেনাঃ আ।

বাহা সেরেঞ রেনাঃ ধিরিগড় সিনি সেরেঞ অনমান তাবন পে, আব সে আবনাঃ জিউয়ি চেৎ এ খজকানা এ ছিতা ধিরি সিঞতেঞ সিঞ আকানা ঝিচ কাঞমে নুন মারাং কাথা যাঁহারেপে এগমাঃ ছিতায় ঝিচ আব খান মেৎতে জিউয়ি বন এঞ্জল এগমা আপনারাঃ জিউয়ি বন এঞ্জল এগমগেখান চাঁদো বঁগা হবন এঞ্জল এগমেয়া নিয়াগে সারি ধরম রেনাঃ সারিল। ধারতিরে যাঁহা লেকানাঃ ধরম হেনাঃ আ নয়া বেগর চাঁদো বঁগা এঞ্জল এগম রেনাঃ হর বানুঃ আ। মিৎ হড়ে এঞ্জল এগম লেখানগে আর উনিয়িচ চেলা লেনখানগে চাঁদো বঁগায় এঞ্জল এগমেয়া নয়াদ অহ হোই কঃ আ নাশেনাঃ বোগে হড়ে হোই দাড়েয়াঃ আ। চাঁদো বঁগা এঞ্জল এগমে লাগিৎ গেত সানাম দিশমরেন আডি আডি হড় কাতপ জপ এদা, ধন বাগিকাতে এরা হপন দেয়াকাতে রাজ পাটরেনাঃ মহনি কাটাও কাতেক সাধুঃ কানা নাগাঃ কানা।

নিতঃ সারি ধরম রেনাঃ নেমাচার মারাং বুরু জাহের এরা মড়ে কয়াঃ নেমাচার
হরতে চেৎলেকা হড় হপনাঃ সমাজ চেতানরে উচাড় কানা অনাঞ অলেৎ কানা।
বাহা সেরেঞরে উটিউটি অনা কাথাক হেনাঃ রেঁহ হড় হপন বাহা শেরেঞ দবন
হিড়িঞ ইদিয়েৎ তে ঝত কাথাবন হিড়িঞ চাবায়েদা।

আব যাঁহারেব ডি বাড়গে খান বাংখান নাওয়া বন আতোয় খান অঁড়ে সাহাও
বনাশে বাং আ অনা লাগিৎ মিৎটাং শিম ষাডিবন তলেয়া আর মিৎটাং শাণ্ডন
ঠিলি দড়ম হট কাতে নিষ্টাবন ঞেজা। আয়ুপ জখাঃ মিৎটাং শিম ষাডিবন তল
হটকায়া আর মিৎটাং সাণ্ডন ঠিলিবন দড়ম হট কাঃ আ। দশার হিলোঃ বন ঞেজা
সাণ্ডন ঠিলি দাঃ আঁজেৎ লেনখান বাংখান উনি শিম ষাডি তোয়ো বাংখান রুডাক
জম লেখান মেনাবন নয়া ডি বাড়গে রেদ সে আতোরে বাং সাহাও বনা। নাওয়া
বাছ সে জাঁওয়ায় বন ঞেজলকয়া, ঞেজেল চালাঃ হিলোঃ উন নাড়কা কাতে ভিতার
দুয়াররে সাণ্ডন ঠিলিবন দড়ম হট কাঃ আ। কাথাদ উনি বাছ সে জাঁওয়ায় কাপাও
কিনাসে বাং আ অনা রেনাঃ নিষ্টাবন ঞেজা। আদহররে চালাঃ জখাঃ সে বাছ সে
জাঁওয়ায় অড়াঃরে তহৎ হাঁড়াঃ, শিম উডাও পারম দুড়প জখাঃ পারকম শাডে, হররে
কুংকাল টুকুচ শাহান গাডী, গচ ডাংরি এমন বন ঞেজল লেখান, মেন আবন সাণ্ডন
বাং ঞগমলেনা। বাহা বঁগাঃরে সাণ্ডন ঠিলিবন দড়মা। বাছ সে জাঁওয়ায় অড়াঃরে সুনুম
সাসাং জখা হিলিতিচ লটা দাঃ তেওয়েঞ কাতে অনা দাঃ হিরিচ হিরিচ তেক ওডোকঃ
আ। পেড়াক হেচলেন খানলটা দাঃ তেবন আতাং দারাম কয়া। বাছদারাম সে জাঁওয়ায়
দারাম জখাঃ লটা দাঃ সেপেঞ কাতেবন আতাং দারাম কয়া, বাছ জাঁওয়ায় বিদায়
জখাঃ মাতকম বুটায়াবন, উন হঁ লটা দাঃ সাণ্ডন ঠিলিলেকা দড়ম কাতে বাছ জাঁওয়ায়
বন শিকাও কয়া। নংকাতেবন ঞেজল আকাদা সাণ্ডন ঠিলি দাঃ তেগে আব দবন সাণ্ডন
জংকান নয়া সাণ্ডন ঠিলি দ জাহের এরায়াঃ। জাহের এরা সাণ্ডন ঠিলিতে সাণ্ডন
আব কানায়, সাণ্ডন ঠিলিতেগে জাহের এরায়াঃ নেমাচার সমাজরে উচাড়াব কানা।
নিতঃ অনমান তাবনপে অনা সাণ্ডন ঠিলি চেৎ লেকানা, বাংমা মিৎটাং নিখুট ঠিলি,
জাহের এরায় চেৎ লেকানা সাণ্ডন ঠিলি হঁ অনকানা।

উইহার জং রেনাঃ কাথা, যাঁহায় গচ লেনখান তেল নাহান ভাড়ান অড়াঃ নেওতা
পেড়াক হিজুঃ, আ এন হিলোঃ লটা দাঃতে সে সাণ্ডন ঠিলিতে বাবন আতাং কয়া,
চেদাঃ বাংমা আব দবন ছুত আকানা।

আবরেন সানাম আয়োক জাহের এরাবরেন বঁশ, কাজেগে ওনকো জাহের এরা
লেকা সে জাহের এরায়াঃ সাণ্ডন ঠিলি লেকা নেমাচার হয়োঃ তাকয়া।

এনাংরে ঠাকুর ঠাকরান জড় আব হঁ তিরি জুরি জড়, জড় রেঁহ জিউয়িদ মিৎটাংগেয়া
নয়া কাথাও অল আকাদা। নয়া কাথা পরতাল লাগিৎ বাবু জাঁওয়ায় ইতুৎ সিঁদুর
জথাঃ অকা সিঁদুর সাকাম বন বাছাওয়া অনা কাথাও উইহার আপে কানা। অনা
বাছাও সাকাম চেৎ লেকানা বাংমা তালা শিরান অনতে নতে মিমিৎ ঠেন খন শির
ওডোকঃ মা, এপড়ে শির শির সাকাম দ বাবন সিঁদুর সাকামা।

নিতঃ যদি তিরি তাহেন তে সৈ জুরি তাহেনতে যাঁহায় এ তাড়াম বাড়তিয়া,
উনি দ জাহের এরাঠেন খনে সাহায়েনা। কুড়ি হপন খান উনি যাঁহা তিনাঃ হড়
এওল হচ লাগিৎ এ সিঁদুরঃ মা, সাকমঃ আ উনি দ অড়াঃরে জাহের এরা লেকা
বায় সার সাগুন দাড়েয়াঃ। আর হানা পুরিরে সে নায়া পুরিরে জড়ে আদেগেয়া।
আর যদি যাঁহায় কড়ি হপন জাহের এরায়াঃ সাগুন ঠিলি লেকায় নেমাচারা, এনখান
জাহের এরা লেকাগে আজাঃ অড়াঃরে চেৎ রেনাঃ হঁ অ আনাট বাং তাঁহেন তায়া।
লুমাম জড়, সৈগেল তি তি চেড়ে জড় রেনাঃ কাথাও ইউহার আপে কানা।

জাহের এরা অড়াঃরে হাঁডি বন চডরায়া, অনা হাঁডি সাগুন ঠিলি লেকান নিছরা
টুমাংরে নেমাচার কাতেবন দহয়া, মেনখান আবরেন আয়োক গদামরে বাং দ ছুত
হড়াঃ হাঁডি বাং দ ছুত টুকুচ হাঁডি ঝত ক এুয়েৎ তাবনা, অনাতে সমাজরে জাহের
এরা লেকা বাক সাগুন আবন কানা। নিতঃ সারনা ধরম রেনাঃ কাথা অকা সারনা
ধরম হড়াঃ মচা খনেও আজমাকাদ অনা নুড়েও অলেৎ কানা। সারনা ধরম হড়
ক মেনা বাংমা আবরেন হাপডাম হড়^{সার} তেক সাগুন লেদা অনাতে আবনাঃ ধরম
দ সারনা ধরম ক এুতুমাঃ কানা। মেনখান হড় হপন অকাঠেন ~~সার~~ তেবন সাগু^{সার}
নেদা? আব মা সানাম কামিরে সাগুন ঠিলি তেবন সাগুনেদা। সাগুন ঠিলি রেনাঃ
সাগুন গটা সমাজে উমুল দহয়াকাদা। ওনকো জোর^{সার} তেক লাইয়েৎ কানা সার তেক
সাগুন লেৎতে সারনা ধরম ক এুতুমাঃ কানা।

ওনকো জানি খান বাহা সেরেও বাক বাড়ায়। বাড়ায় লেখান অনা রেনাঃ হেডেম
রাশা দক বুঝাও এগমকেয়া। আর বাবন বাড়ায় সার তেদক তুপুও মায়াম জরঃ
আ। বাহা সেরেও রেগে হেনা আ কঁয়ডাক আর বাদোলিক তুপুও লেনা, ইচাঃ
বাহা সারতে মাপা, লেনাক মুকুৎ বাহা কাপিতে মেনখান বাহা সেরেও রেগে
হেনাঃ আ আল যাপে তুপুও আনা আল যাপে মাপাঃ আনা।

সারনা ধরম হড় তালারে আদম কদ ক মেনা বির গাজাড়রে ধরম ক এগমলেৎ
তে সারনা ক এুতুমাঃ! উনাঃ কাথা পেটের বাড়ি লেকা পেটের বাড়ি রেনা চেৎ
বরাত। সোঝে লাই লেখান বির গাজাড়রে সারি সারজম বুটারেক সারিল লেদা।

সারি সারজম বুটারেক সারিল লেং তে আবনাঃ ধরম দ সারি ধরম ক ঐতুমাদ।

আব নেতার হঁ সারি সারজম বুটা রেগেবন সারিলয়েদা অনামা সারি ধরম গেবন
মানাও কানা। ভঁজ দিশম হড় হঁ জনি ইনা ডাহর তেগেক তাড়ামেং গেয়া।

নিত মারাং বুরুয়াঃ নেমাচার চেংলেকা আব কড়া হপনে নেমাচার হচয়ে বনা
অনাবন অনমানা। জমশিম বিস্তিরে হেনাঃ আ, লিটা দেবংশী অড়াংরে ছুতে চলন
লেংতে আক বত হড় ক ছুত লেন। ছুত হড় মাত ঠাকুর পরসাদ আসেন বাং
গানঃ আ অনাতে জাহের বুটিয়াঃ এগের নাগশ কাতে লিটা পাতালতে আঁড়গো
কাতে ছুত মুকুদ আরুপ ফারচা কাতে রিলামালা মারাং বুরু রূপতে সেরমাতে
রাকাপ্ রুয়াড়েনা। মারাং বুরুদ পোড ষাঁড়ি সে পোড বদবন বঁগা আয়া। বাহা
শহরায়রে নেমাচার কাতে সাগুন ঠিলি লেকানাঃ টুমাং রে হাঁডি দহ কাতেবন বঁগা
আয় কানা। উনি যেমন ছুতে চলন লেংতে পাতালতে আঁড়গো কাতে লিটা ঐতুমরে
অকা ছুত বললেনা অনা আরুপ গিডিকাতে মারাং বুরু রূপতে রাকাপ এনা।
অনকাগে আব গটা সেরমা রেনাঃ ছুত মুকুদ বাহা উম হিলোঃ কুই দাঃ ডাডি
দাঃরে আরুপ ফারচা কাতে উনিয়াঃ নেমাচার গেবন নেমাচার, মেনখান উনি লেকা
উকুর রূপ পালটাঃ কান তাবনা, সে রূপ বন পালটাওয়েং তাবনা আব গদামরে
ছুত টুকুচ হাডিবন ঐয়া, ছুঁত রেনাঃ কাথা জাহের রেঁহ সে অড়াঃ রেঁহ হোড়ো
তেকে টুকুচ করে হাঁডি বায় আতাং তাবনা। অনামা হাঁডি ইদিকাতে মারাং বুরুয়াঃ
নেমাচার-চেং লেকাবন তালম পারমেদা ইনাঐ লাইকেদা! নিতঃ অড়া দুয়ার জংরে
উনিয়াঃ নেমাচার বন নেমাচার এদাসে বাং অনাবন তুলা জখায়া। ঠাকুর ঠাকুরাণ
মিং জিউয়ি বারয়া হড়-ম, আব তিরি জুরি মিং জিউয়ি বারয়া হড় ম। কাজেগে
জুরি তাঁহেনতে রাঁডি ভুঁডি সে ছুটাকী জং মারাং বুরুয়াঃ লাগচার বাং কানা। সিঁদুর
সাকাম রেনাঃ মাহিমান বন তালম পারম লেখান মারাং বুরুয়াঃ বর বাবন
এগমগেয়াঃ। মায়াং বুরু বত বঁগা, খনে মারাং আ মারাং বুরুয়াঃ নেমাচার মারাং
বুরুয়াঃ লাগচার বন লাগচার লেখান বত জাতি খন বন লাঠুঃ আ।

নাহাঃ বিদাল হড় হপন বন বাঁউভাও আকানা অনাতে বারনি হাকো লেকা
মারাং বুরু জাহের এরা মড়কয়া লাগচার নেমাচার কলসা গিডিকাতে রীসকা জং
কানাবন রজ্জ জং কানা বন। মেনখান অনাদ রীসকা হঁ বাং কানা রমজ হঁ বাং
কানা, অনা দ কাই গুনহা ছুত মুকুদ আব আখিররে হারকেং সাসেং এগম রেনাঃ
ডাহর বন মাঃ জং কানা।

ছডিঞি চ ধরমাঃ নেমাচার চেং ইঞি লাইয়া উনিয়া কাই গুনহা ছুত মুকুদ বায়

চলনা। উনিদ জাহেরে মডেক মেনতেব বঁগা আয় কানা মেনখান অড়াঃ বেদ আবগে
 বঁগা মেনতেব বঁগা আয় কানা। ডিগি উণ্ডী হড় নাতা উনিয়াঃ নেমাচ'র নেমাচার
 লেনখান তবেত কড়া গিদরা দিশমরেক লাঠুঃ আ, হড় হপনাঃ রূপ ক ফেরাওয়া।
 সেলায় বিদল আপাৎ সামাংরে হপন সে দাদাৎ সামাংরে কাটিচ ক বাংক সেনঃ
 আ। ওনকো সামাংরে হাঁডি পাউরা বাক এগুয়া অনাক লাগচার হঁ বঁগা কয়াঃ লাগচার
 মেনখান অনা কবন তালম পারম আকাংতে কাই গুনহা বেবন ডুবুচ অকানা, অনাতে
 সাসেং হঁব ভুঞ্জাও জংকানা।

আর হঁ এগেলপে ওনকো পেয়া বঁগায়াঃ নেমাচার চেৎলেকা লাগচার রেক মেশা
 হটরাকাদা যেমন আলবন বাগিমা। নিতঃ জানাম খন গুজুঃ হাবিচ আবনাঃ লাগচার
 বন তুলা জখা ইদিয়া। যাঁহাযিচ গিদরায় জানাম লেনখান উনি গিদরায়াঃ নীর বন
 গেদ তায়া উগলি সারতে ইনা তায়ম হলং দাঃ ইরচি কাতে ছুত বন ফেড়াওয়া,
 নিম দাঃ মাডিকাতে বত হড়বন এমাকয়া। ছুত উপ্ দবন হয়য় তায়া। ইনা তায়ম
 হয় কয়াড় হিলোঃ আতনাঃ সাকামরে হবর কাতে জানাম উপ্ বন হয় ফারচায় তায়া।
 অনা তায়ম যাহা লেকাতে গিদরা বোগে বোগেতে হারাঃ মায় অনা ইতেচ্তে জড়
 হাঁতি দহকাতে নায়কে বাবা অনা জড় হাঁতি মারাং বুরু আর পুরুধুল এগুতুম তেবন
 বঁগা হচয়েয়া। এন হিলোঃ খন উনি গিদরা দবন বগা তালা কেদেয়া। ইনা তায়ম
 বাপলা রে মারাং বুরু জাহের এরা মডেক এগুতুমতে সুনুম সাসাং বঁগা কাতে বাপলা
 রেনাঃ বন পান থায়া। সুনুম সাসাং অ জরে সৈংগেল তিতি চেড়েবন অঁড়হেঁ কয়া
 যেমন জনম জনম জড় কিন তাঁহেন মা বেড়া রাকাপ অকতে বন ইতুং সিদুর কিনা
 যেমন বারয়া হড়ম রেঁহ মিঃ মাকিন। গচ লেনখান গুর লেনখান উনি কুলহি মচাংরে
 সে দ বাটি বেবন আচুরেয়া। আচুর লেনখান বাংমা বঁগাক আড়গো হিজুঃ আ, গজ
 হড় গচ্ কাতে হঁ জিউয়িতেং গচ হড়-ময় অতং ইদিয়া আদ দ বাটিরে আচুর জখাঃ
 বঁগাক হেচ লেনখান উনি গাতে এগম আ ইনা তাকরে অনা গজ হড়ম অকা রাপুং
 অড়াঃ অনা ইদিকাতেবন তিগি সৈংগেলাঃ আ! মেনখান বঁগা মা দ বাটিরে বাংক তাঁহেনা
 খান ক বাগিয়ায়া খান উনি গচ হড় সে গচ হড়াঃ জিউয়ি আদিং দুঁদিং অঁড়ে তাহেনায়,
 উন দ আব দাকা উতু ইসিন কাতে দ বাটিরে অড়াঃ বেনাও কাতে অনা দাকা উতুবন
 সামাং আয়া অনাতে চাহারাও কাতে উনি হড়াঃ জিউয়ি অড়াঃ তেবন কয়াড়
 আণ্ডয়তারা।

আবরেন হাপড়াম ক জিউয়ি ইদিকাতে সে জিউয়িক ওরোম লেদা অনা রেনাঃ নজির
 নয়া লাগচাররে ভগে লেকা বুজাও এগমঃ আ। সারি ধরম এগমকাতে নয়া গেতক গটা

লেদা। ইনা তায়ম তেল নাহান নাইতেঃ আবন, ভাঁডানঃ আবন। ঝত ছুদ মুকুদ বন ফারচায়া।

অনা উমদেবের সারনা ধরম হড় হড় হপনা টুকুচ রেনাঃ দাকা বাক জমা, অকা সেনাতে হড় হপন বন ছুত আকানা। হড় হপন যাঁহা দিশম গেবন ঢালাঃ পেড়া হড় খনগে দাকা ক এমবন খান গেবন জমা। সৈঁদরা কারকারে গিপিত্তিচ টাড়িরে হড় নেনখান টুকুচ কয় আণ্ডকাতেবন দাকায়া। হড় হপনাঃ কাথাতোমা সৈঁদরা কারকা দেশ দর্শন, দেব দর্শন। এটাঃ জাতি যেমন পুরি এমন ক শেন নেনখান ঝতয়াঃক জমা, অনকাগে আবমা সৈঁদরা গেভাবন বঁগা সাঁও এণ্ডপেলঃ ঠাঁও। আবরাঃ পতিয়াও হেনাঃ আ বঁগা ইঁ সৈঁদরাক ঢালাঃ আ। আব মা কালি হাঁড়ি শাল পাত নয়া রেগে হেনাঃ তাবনা জাতি রেনাঃ এ কিন আর দাড়ে।

আবরেন আগিল বিদালরেন নায়কে মান মাতাল সৈঁদরা বির রেগেত মড়ে কয়াঃ আঃ সারকিন এগমলেনা। উনাকিনাঃ আঃ রেগেত লুমাম কিন তললেনা। অনা আঃ সার তেগেত নাগা তুতুক সদাগর সাঁওকিন লাভহাই লেনা। মনে হয়োঃ আ সারনা ধরমরেন গুরুকদ মড়েক মানাও হড়। মড়েক মানাও হড় আকরেন গুরু কয়াঃ কাথা চিকাতেক বাড়ায়, আক মা হড়ঠৈন ধরম ক এগম আকাও আনা। উনকিন মান মাতালাঃ ঐত্তুম তেগে মান দিসম সে মানভুম জেলা ঐত্তুম লেনা। নাহাঃ এনথে হড় হপন ক লাভহাই লেৎতে সাঁওতাল পরগনা ঐত্তুমাকানা।

আর ইঁ সারনা ধরম হড় অড়াঃ রেন বঁগা লেভড়া বঁগা মেনতে টাটা মিটিং রেক লাই লাঃ আ। লাই তেঁহ লাজাও বানুঃ তাকয়া আপনায়রেন আয়ো বাবা ঝত হড় হপনরেণ আয়ো বাবা, গটা ধারতিরেন আয়ো বাবা বাহা সহরায় রেবন বঁগা আক কানা। আদ ধারতি রেন আয়ো বাবা বাহা সহরায় রেবন বঁগা আক কানা। আদ ধারতি রেন আয়ো বাবা সে আবরেন আয়ো বাবা লেভড়া খান, ওনোক সারনা ধরম হড় দ লেভড়া হড়। যাঁহান কাথা যাঁহা মাজিলরে লাই হয়োঃ খান বুজ সুজ কাতে রড় হয়োঃ আ।

আর ইঁ সারনা ধরম হড় সিঞ বঁগা জমসিম বঁগা মেনতেক নাওয়েদা বাক বাড়ায় জমশিম বঁগাদ মারাং বুরুরেন হপন এর। অনে যে জমসিম বিস্তিরে হেনাঃ তাবন দ সেরমা তাহেন জখাঃ আবরেন মারাং বুরু জাহের এরা মড়েকয়াঃ ঐত্তুম তাহেকানা, মারাং বুরু জাহের বুটি আর ধরম। নয়া বার রকম ঐত্তুম খনগে আব হড় হপন তালারে বার পাহটা তেবন বঁগা কানা। মেতাঃ মা. জানখাড়রে আরাঃ যাঁডি হেঁদে কালট বাংখান সুকরি আর পোড যাঁডি। জাহেররে হেড়াঃ কালট আরাঃ পাঠি মেরম, পোড যাঁডি।

জাহ্নবরে হেড়াঃ কালট অরাঃ পাঠি মেরম, পোড বাঁড়ি অরাঃ বাংখান পোড বদ গলা বদ। অনকাংগে কারমা রে অরাঃ বদ জমশিমরে হেঁদে বদ। মড়েক মানাও হড় অড়াঃ রেহ হেড়াঃ কালট মড়েক বক মানাওহড় দ হেঁদে কালট।

অনা বর পাহটা খনাংগে জমশিম বঁগা কারমা বঁগা রেনাঃ উপজন হোই আকানা। অকয় লাহাতেক জানাম আকানা ওনকো হেঁদে শিম অকয় তারম তেক জানাম আকানা ওনকো হেড়াঃ সিম। নডেগে মাড়াং তেন ক হড় তারম তেনকো হড় রেনাঃ চিনহ।

সেরমারে তাঁহেন মারাং বুরু জাহ্নব বুটি ধরম রেনাঃ প হবন মানাও কানা এড়ং জাহ্নবরেন মারাং বুরু জাহ্নব এরা মড়েক হঁবন মানাও কানা। অনাতে আতোরে বারয়া বঁগা থান হেনাঃ তাবনা মিটাং যান খাড় মিটাং জাহ্নব। অনা বানার ঠৈগে নায়কে বঁগায়া। অনাতেও লাইয়েদা নায়কে বাগিকাতে অকয় গুরু সারনা ধরম হড় ক এগ্গে কানা।

মারাং বুরু হপন এরা জমশিম বগা যাঃ শাপাপ্ গে কাজরা মুঠি, লুমাম লুগড়ি মুশাম, ডুরুয়া ঝামপা, চাওরিচ তারমতে মারাং বুরুরেন হপন এরায়াঃ শাপাপ্ হড়ো ঢাকা কাউডি বাংখান ভেলাং জাং ব'হা আর উপাল বাহা।

সারনা ধরম হড়াঃ কাথা আজম কাতে মনে হয়োঃ আ, ওনকোদ হড় হপনাঃ লাগচার বাক লাগচারা বাক বাডায়া বাংখান বাক তিরোঃ আ। সিও শিকারমান বারহা পাতকম সাঁত তুং রাইপুর ভাট গুজিন মল মতব বুগড়ি ধাড় নামপাড়া টাডি ধাড় এমায় দিশম সে আব হ বিরভুম সাঁওতাল পরগনা এমান দিশম দ হড় হপনাঃ এলাখা, নয়া করে সেদয় দিকুবাক তাঁহেকানা। নেতার দিকু ক হেচ অকান রেঁহ ওনকো শাঁও বঁগাঃ বুরু বাপলা ভাডান এমান সমাজ রেনাঃ আরি চালিরেদ চেং হঁ শলঃ বকঃ বানুঃ আ। কাজেগে নয়া দিশম করেন হড় হপন দ আপনারাঃ লাগচার বেলগ গেক দহয়াকাদা। উঁজ দিশম হড় মুতা এলাখা হড়। হড়াঃ আতাং মুতা আতাং মিৎ মাছগেয়া। মেনখান মুতা হড়াঃ সামাজরে এটাঃ জাতিয়াঃ হাব ভাব বল ইদিয়াকানা, অনা খনগে সারনা ধরম জানাম আকানা। মুতা হড় মাক হিন্দু উতারাকানাক। অনাতে অকয় গুরু কত খেরোয়াল হপনাঃ ধরম সারনা ধরম মেতঃ কানা উনি সে উনিরেন চেল'ক সারনা ধরমরেনাঃ ফেড়াং বাক লাই দায়েড়াঃ কানা। ওনকো নাওয়া মিটাং ধরম বেনাও কাতে অনা হড় হপন চেতান রেঁক লাদেয়াবন কানা। অনা বিষ লেকা সমাজ ক বাড়িজ লাগিৎ গটাক লাই ওছান বাড়ায়েদ।

টাটা সোর খাশ মহলরে ইং ১৯৬১। ৬২। ৬৩ সালরে সারনা ধরম হড় মিটাং মিটিং ক ডাকাও লেদা। অনা মিটিংরে সারনা ধরম ইদিকাতে আব হড় হপনাঃ ধরম সে বঁগা বুরু ধুসাও কাতে আডিগান ডান লেকাক বকাও লেনা। অকয় ক আঁজ মাকাদা

ওনোক ঝত গেক বুজলেদ অনা ধরম রেনাঃ চেং হঁ ফেড্ চট বানুঃ আ। উনারেগে বয়হাক
অব যাঃ ধরম দোপোং ধরম মেনতেক লাইলেদা।

মুচাংরে আড়াং ইদিকাতে মিং বার কাথাএও অল উছানোদ। অল উছান গুরুরঘুনাথ
মুন্সু ডি, লিট আডি মানতান, হড়, উনি অলে উছানোদ বাং দ আডিচ গুরুয়িচ পাট
চেলা লেকাতে বাং দ অজাঃ অল হতেতে অনাদ আডি সারহাও রেনাঃ কাঁথা।
মেনখান হড় হপনাঃ আড়াংরে লাটকী ফাটকী মেশাকাতে আড়াং দ বাংদ লাতর শেং
এ অর আঁড়গোঁয়েদা বাং দয় অর রাকাপ্ এদা।

দুমকা জেলারে মিশনারী সাহেব কঁহ আঠি আকিলান হড়, হড় আড়াংতে লাঠু
লাঠু পুথি অভিধীন ব্যাকরণ এমানক অল হটয়াকাদা। ওনকো হড় হপনাঃ আড়াং
হারা রাকাপ লাগিৎ আডিগান ক কুরুমুটু হটয়াকাদা। ওনকোয়াঃ পুথিরে মিং বার গটাঃ
হিন্দি আড়াং ক মেশা আকাদা অকাতে হড়াঃ আড়াং সহলে লেনা। অকা রড় সানাম
হড় হপন গেক বুজা অনকানাঃ গেক অল আকাদা। মেনখান রঘুনাথ মুন্সু সে রঘুনাথ
মুন্সুরেন চেলাক নংকান রড় ক শেলেং এদা অকাতে রড় লেখান সানাম দিশম্বরেন
হড় হপনগে বাবন বুঝাও দাড়েয়াঃ কানা। অনাতে ইএও দএও মনেয়েদা অনা রড় কতে
হড় হপনাঃ আড়াং রেনাঃ লকসান হয়োঃ কানা। আড়াং দ হারা রাকাপ্ হয়োঃ আ,
সানাম জাতিগে হড়াঃ আড়াং খনা উধার পাএচা কাতে আকয়াঃ আড়াং ক হারা রাকাপ্
আকাদা। মেনখান নকোদ নংকান রড় ক শেলেং এদা সেক বেনাওয়েদা অকাতে রড়
লেখান আর হঁ এনথে বালে গিদরা উমুর রেবন আঁড়গো হিজু কান লেকাগে আটকারঃ
কানা। হড় হপনাঃ আড়াং দ তি জাঁগা চার ডাল পুরাও আড়াং।

যাঁহায় যদি ভারত রেনাঃ রাষ্ট্র ভাষালেকা মিৎটাং সানাম খেরোয়াল হপন লাগিৎ
আড়াং বেনাও শানা হেনাঃ তায়া বেনাও হচয়। মেনখান হড় হপনাঃ আড়াং যাঁহারে
বাড়িজঃখান, হড় হপন ছয়াতে লাই রেনাঃ হক হেনাঃ আ।

মুচাংরে হড় হপন আর মিৎছট উইহার আবন কানাএও, আবনাঃ ধরম দ “সারি
ধরম” আবরেন আগিল হাপড় ম ক তপ কাতে জপ কাতে বিচার কাতে আচার কাতে
নিষ্ঠা ঞ্বেলকাতে সারিল লেদাক। ওনকো কুটনী হড়াঃ কাথাতে সারি ধরম বাগি কাতে
সারনা ধরম বন ঞ্বেতুমাঃ খান সারি ধরম রেনাঃ নেমাচার, জমশিম বিস্তি, বাহা সেরেএও
বাপলা জখাঃ রেনাঃ মাডয়া সেরেএও ছাটিয়ার সেরেএও, ভাডান রেনাঃ নাপিত বিদায়
সেরেএও ঝত আং চাবাঃ তাবনা। উইহার আচুর তাবনপে “সারি ধরম” রেনাঃ নেমাচার
লাগচার মারাং বুরু জাহের এরা মডেক লাশাড় হেংতে সমাজ রে লিগিৎ দাঃ লেকা
লেতাড় লিগি বলঃ কানা, অনাতে আবনা সমাজ বাএচাও হেনাঃ তাবনা।

নিতঃ অকাঠেন তেবন বাড়িজ কানা, সেবন লিচাড়ঃ কানা অনাদ হয়োঃ কানা নয়। ছাটিয়ার হিলোঃ নায়কে বাবা জড় হাঁডি চডর কাতে মারাং বুরু আর পুরুধুল ঠেনে হিরলা আকাং বনা। উনকিন বঁগা জেওয়েং ভোর আব শাঁওমাকিন তাঁহেন কান গেয়া, গচ কাতে হঁ নাই ঘাট হাবিচ কিন আয়ুর ইদিবনা। নাই ঘাটরে আয়ুর সতোঃ কিন লেকা তালারে দহকাতে পিণ্ডিকিন আতাং হচয়েং বন তিকিন দিসধহয়েং বনা সে বঁগা তালায়েং বনা এনথে বয়হা লেকাক পানতে বনা তালা পিণ্ডিরেহঁ সারি দারজম ডারবন বিদা। মেনখান ছাটিয়ার হিলোঃ নায়কে বাবা উনকিন দাদা তিকিন লেকানকিন চেং মানাও হয়োঃ আ, ইনা বাক লাই আবন কানতে আঁধা রেগেবন তাঁহেন কানা। এনথে এঞ্জল সৈঁড়া আঁজম সেড়াতে বাহা শহরায় সেএুং হাঁডিবন চডরা উনকিন দ অড়াঃরেন গচ আকান হড় খন মাড়াং তেবন চডর আকিনা, গিডি তরা দাকাহঁ মাড়াং তেগেবন এমাকিনা।

মেনখান আব দ বন তপোনো দাকা উতুবন জমা দাঃ বন এুয়া। মেনখান উনকিন দ যাঁহা তিশকরেবন এমাকিনা, অনাতে যাঁহা তিশকরেগে চেৎচং আবঠেন কিন হিজুঃ আ। মেনাখন উনকিন মা ছাটিয়ার হিলোঃ খন দিনগেচ সঁগেতে হেনাঃ, কিনা, কাজেগে দিনাম তপো ফাচা কাতে এুংমাকিন রেনাঃ সে বঁগায়াকিন রেনাঃ বরাত হেনাঃ আ, অনাতে উনকিন হঁ কুশিমনেতে সঁগেবেগে কিন তাঁহেনা। অনাতে সমাজ হঁ বোগে কঃ আ।

ইনা তায়ন বাপলা রেনাঃ অকতে মারাং বুরু জাহের এরা মড়েক সুনুম সাসাং বঁগা কাতে অড়াঃ দুয়ার জং লাগিৎ যেমন ওনকো লেকাগেবন লাগচার মা নেমাচার মা, উন হঁ নায়কে বাবাগে ওনকো বঁগাঠেনে হিরলা কেং বনা, মেনখান চেং লেকাতে ওনকোবন আপনার দহকয়া অনাকাথা দ বাকলাইয়াং বনা। নিতঃ বাপলা শিমবন এমকেং ক রেহ এড়ং শালে শালেবন ওনকো লাগিৎ বুশাঃ শিমবন এমেং ক রেহ, বাপলা রেনাঃ সোঝে সাসাং রেনাঃ সিদুর সাকাম রেনাঃ, বেড়া রাকাপ অকতে ইতুং সিদুর রেনাঃ দবাটিরে মাতকম বুটা রেনাঃ জড় অজঃ রেনাঃ চেং মীনগে বাবন দহয়েদা।

নায়কেদ লিটা লেকা, ঠাকুর ঠাকরানাঃ নেমাচার, সে মারাং বুরু জাহের এরা মড়ে কয়াঃ নেমাচার আবন কানা, উনকোদ বঁগা আর মানমি তালারেন হড়। মেনখান শামেক নায়কে সাঁও আবনাঃ হেল মেল বানুঃ আ, একেন আপাল হেং তে হেনাঃ আ। অনাতে নায়কেক নায়কে লেকা বাবন মানাও কয়া। নায়কে কঁহ শিম বঁগা হাঁঠি চডর, সুনুম সাসাং বঁগারেগে কামিদক মুচাং এদা, মনে মনে জিউয়ি জিউয়ি মিদঃ রেনাঃ চেং হঁ বাক চিকায়োদা।

নংকাতে আব দ অড়াঃ বঁগা হঁ অড়াঃ বাক লাই আবনা, নায়কে হঁ মারাং বুরুজাহের
 এরা মড়েক সেবা রেনাঃ হুদিস বাক লাই আবনা। আব দ একালতে কাঁড়া আঁধা হড়
 লেকাগেবন তাঁহেন কানা অনা খনগে সমাজ ছিম ছাতুরঃ কানা। আং আকান হড়ালেকা
 হানি নাইয়াঃ গয়ন তেক গয়নঃ কানা। নায়কে কামি হত বাং সোঝেয়া, একেন হাডি
 চডর আর শিম বঁগা লেকখানকে নায়কেয়াঃ কামিদ বাং মুচাদঃ আ, সানাম হড় হপন
 সারি ধরম ডাহারতে আয়ুর কগে নায়কেয়াঃ সে নায়কে কয়াঃ কামি। বাহা সেরেঞ
 রেনাঃ মিৎটাং হুমটি সেরেঞ অল কাতে কাথা দঞ মুচাদাঃ—

লিট লিটা লিটা পিটা তেহেঞ দ নায়কে

লিট লিটা লিটা পিটা তেহেঞ দ নায়কে

ঝাণ্টি রেগেম গিতিচ লেন।

ঝাণ্টি রেগেম নায়নম কান।

দাগ মেসে সুনুম মেশে নায়কে হেরেল

দাগ মেশে সুনুম মেশে নায়কে হেরেল

নায়কে এরা দ অকয় কড়াচক আগির কেদে।

নিয়া বিদাল রেনাঃ কাথাদ একালতে নংকাগে, নায়কে এরা দক আগিরেকানাসে
 বাং আ, মেনখান নায়কেরেন চলোদক আয়ুরেং কয়া।

তেহেঞ সানাম দিসমরেন হড় হপন লাগিৎ নয়া আবনাঃ সারি ধরম পুথি জেলেঞ
 হর খাটকেং লেকা ছুডিঞ ছুডিঞ গেঞ অল উছনেদা। নিতঃ সারি ধরম মানাও
 লাগিৎ মারাং বুরু জাহের এরা মড়ে কয়াঃ নেমাচার বন নেমাচার লেখান এড়ং বাহা
 সেরেঞ বন সেড়ায়ান খান, নয়া তহং হাড়াতে পেরেচ মঞ্চ পুরি জালাপুরিরে
 জেলেঞ ডাহারতে তাড়াম জখাঃ জানুম ঝাণ্টিক মাঃ ফরচায় লাগিৎ হাপড়াম কক
 লাই হটয়াকাং লেকা “ঠেণ্টা কুডিলেকা” সঁগেতে তাহেকঃ তাবনা।

